



Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat de Legibus, de Præceptis
Decalogi, de Restitutione, ac de Contractibus

Viva, Domenico

Patavii, 1723

Art. II. De Conditionibus requisitis ad licite jurandum.

urn:nbn:de:hbz:466:1-40673

aut in causa damnum tertii respiciens te, intelligenda sunt juxta communem audientium sensum; quia jurans sic tenebatur illis uti, ne alios deciperet, vel damnificaret.

IX. Sequitur octavo, quod dicens ex ira, ut solent rustici, Per Deum, Per Corpus Christi, &c., non intendens Deum in testem adducere, vel aliquid confirmare, vere non jurat; nam potius hic intendit malum imprecari, vel iram, aut tedium patere, quam jurare.

Diximus autem articulo secundo questionis antecedentis ex Laym., in his casibus committi peccatum blasphemia, si proferantur haec verba ex indignatione contra Deum; secus vero si ex indignatione contra creaturas; Quod si per modum juramenti proferantur, erunt peccatum Irreligiositatis contra secundum praeceptum Decalogi, non tamen erunt blasphemiae.

X. Sequitur nono ex Bonac., & Suar. tom. 2. de Relig. lib. 1. cap. 2., quod si quis dicat, Per hanc Crucem, & consulto nullam faciat Crucem, non jurat; quia cum nullam crucem faciat, nullam crucem adducit in testem, nec habet proinde animum jurandi, sed decipiendi.

XI. Quæritur secundo; Quotuplex sit Juramentum?

Respondeo, præter vulgares divisiones in simplex, & solempne, (quod scilicet fit coram testibus, & notario cum aliqua juris forma, & tactu Evangeliorum) in Judiciale, & Extra-judiciale, in Absolutum, & Conditionatum, dividi primo in Affertorium, & Promissorium. Affertorium est, cum Deus assumitur in testem aliquis veritatis affirrare, sive de præterito, sive de praesenti: Promissorium est, per quod juramus aliquid nos facturos, quod vel absolutum est, ut Juro me iturum Romam, vel conditionatum, verbi gratia, Si convalescam;

Pars II.

vel poenale, verbi gratia, Sub poena solvendi centum, nisi ivero.

XII. Dividitur secundo in Invocatorium, seu Contestativum, quod scilicet fit per simplicem contestationem Dei, ut Juro per Deum; & Execratorium, seu Imprecatorium, per quod nosmetipos, vel aliquid nobis carum divinæ ultiōni subjicimus, si non sit verum, quod asserimus; Verbi gratia, Deus annihilet me, vel filios meos, si hoc non est ita. Quare per Invocatorium Deus solum invocatur ut testis; per Execratorium Deus invocatur etiam ut vindicta. Proinde dubium est apud Doctores, Num quando falso sic juratur, præter peccatum perjurii contra Religionem, sit conjuncta alia species peccati contra charitatem sui, vel proximi?

Communius cum Suar. contra Bonac., & Less. negant; quia non solet quis amico suo, vel sibi ea ex animo imprecari, sed potius cogitat Deum ea non esse facturum. Quare juramentum quodcumque, quovis modo fiat, communiter censetur esse ejusdem speciei; unde in confessione non est opus exprimere, num juramentum fuerit affertorium, num promissorium, num execratorium, ut communiter docent apud eundem Bonac. quæst. 1. punct. 2.

XIII. Demum datur juramentum comminatorium, ut si quis dicat, Per Deum te puniam, te occidam, sed hoc a nonnullis reducitur ad promissorium cum Busemb.; ab aliis cum Trull. ad execratorium.

ARTICULUS II.

De Conditionibus requisitis ad licite jurandum.

I. Tres sunt juramenti lictii comites, Veritas, Justitia, & Iudicium; jurari enim nequit, nisi de re, qua satis probabiliter putatur vera; i-

N gene

- tem de re honesta, & ex necessitate. Si quis juret se venialiter peccatum, num peccet mortaliter?
- II.** Gravius peccatum est jurare se mentiturum sine animo ponendi mendacium, quam jurare cum tali animo.
- III.** Pejerat, qui rem dubiam afferit cum juramento.
- IV.** Ad licite jurandum privatim satis est certitudo moralis de rei veritate; at ad jurandum in iudicio requiritur notitia de visu, & praesentia.
- V.** Quamvis jurans se positurum rem levem graviter peccet, si tunc non habeat animum illam ponendi, non peccat tamen graviter, si deinde illam non ponat.
- VI.** Mater, qua juramento comminatio-
rio jurat se punituram filium, peccat graviter, si non puniat, quando punitio est iusta, & gravis.
- VII.** Non dicitur esse universum juramen-
tum falsum, sed temerarium, quando quis jurat se positurum rem illicitam, puta homicidium: Sicut etiam quando quis jurat se, verbi gratia, patrasse homicidium, ordinando hoc peccatum jactantia ad alios scandalizandos.
- VIII.** Si Sortes posset aliquid esse verum, quod tu scis esse falsum, non poteris inducere illum ad jurandum hoc, quod materialiter est falsum.

I. **T**Res conditiones requiruntur, ut liceat jurare, Veritas, Justitia, & Judicium. Dicitur enim Ierem. 4. *Jurabis, vivit Dominus, in Justitia, in iudicio, in Veritate.* Veritas consistit in hoc, quod jurans non levi, sed valde probabili conjectura pariente certitudinem aliquam moralem arbitretur verum esse, quod jurat. Justitia consistit in hoc, quod non fiat de re illicita; peccas enim graviter, si jures, verbigratia, te for-

naturum, ex defectu iustitiae in jure-
mento; Si tamen jures te patraturum peccatum veniale, aut te non ser-
turum consilia Euangelii, peccatum e-
rit leve, juxta probabilem sententiam
Suar., Valent., Sanch., & aliorum
apud Bonac., eo quod non fiat gra-
vis irreverentia Deo vocando illum in
testem in tali casu: Quamvis Lefl. di-
cat lib. 2. cap. 42. dub. 4. commu-
nem sententiam esse, quod sit mor-
tale. Judicium consistit in hoc, quod
fiat cum necessitate; unde si quis ju-
ret in re levi, qua non indiget con-
firmari juramento, peccabit ex defec-
tu iudicij; quamvis tale peccatum
sit solum veniale, nisi adsit contem-
ptus, aut periculum pejerandi.

II. Ex defectu tamen veritatis sem-
per juramentum est mortale, sive res
sit levis, sive gravis, tam in juramen-
to assertorio, quam in promissorio,
si scilicet non habeas animum ponen-
di, quod spondes; unde si jures te
mentiturum, non habens animum men-
tiendi, procul dubio erit mortale;
Si vero habens animum mentiendi ad-
ducas Deum in testem talis veritatis,
probabile est, quod sit solum veniale;
quia non adducitur Deus ut appro-
bator mendacii, sed solum ut testi-
cans veritatem talis tui propositi men-
tiendi. Ex quo sequitur, minus ma-
lum esse jurare se commissurum ve-
niale animo illud exequendi, quam
animo non exequendi, ut notat San-
ch. hic.

III. Quaritur nunc primo; An pec-
cet etiam mortaliter, qui rem dubiam
jurat?

Respondeo affirmative; Eodemque
modo pejerat, tam qui jurando alle-
rit tanquam certam rem dubiam,
quam qui tanquam dubiam afferit rem
certam: Pejerat proinde qui jurat se
facturum aliquid, quod dubitat, an
sit facturus; In confessione tamen fa-
cis est dicere, Toties falsum juravi,
quia

quia omnia hæc peccata ejusdem sunt rationis.

IV. Dubium tamen est, quamnam diligentiam adhibere debeat jurans ad cognoscendam rei veritatem, ne sit perjurus?

Respondeo, diversam adhibendam esse diligentiam pro diversitate materie, ut notat Bonac. ex Sanch.: Profecto ad quodvis juramentum requiriatur certitudo moralis veritatis rei; nam licet, verbi gratia, probabile sit, Sacerdotem solitum quotidie celebrare hoc mane celebrasse, non poteris tamen id jurare, nisi habeas certitudinem moralem, verbi gratia, ex relatione alicujus fide digni. Verum licet ad juramentum privatum satis sit certitudo moralis ista, verbi gratia, quod rem audieris a persona fide digna; at ad jurandum in judicio rem ita esse, id non est satis; In judicio enim jurari tantum potest, quod novimus de visu, & praesentia; ut præcipit Callixtus Papa in cap. *Testes* 3., *quæst.* 9.: Et ratio est, quia testis de auditu in judicio non probat semiplene, sicut testis de visu; Si tamen in judicio hoc ipsum juret, scilicet rem accepisse a viro fide digno, non peccat.

V. Quæritur secundo; Quodnam peccatum committitur ab eo, qui non adimplet, quod jurans promisit?

Respondeo, si promisit aliquid grave, verbi gratia feingressurum in Religionem, peccare mortaliter id non ponendo: Si vero promisit rem levem, puta recitaturum, Ave, communiter Doctores apud Dian. part. 4. tract. 4. resol. 7. docent contra Cajet., & Less. cap. 42. dub. 5. esse veniale: Sicut enim violatio voti in re parva est veniale, ita violatio juramenti promissorii; nam per juramentum Deus in testem adducetur solum veritatis praesensis, seu quod detur de facto animus ponendi, quod promittimus; non vero in testem veritatis futuræ,

seu quod ponetur, quod promittimus; unde qui non adimplet juramentum, non est mendax, sed infidelis; non securus ac qui non adimplet votum; & ideo tam in violatione voti, quam in violatione juramenti promissorii in re parva leve irreverentia irrogatur Deo.

VI. In juramento tamen comminatio, quando, verbi gratia, mater jurat se punituram filium, si id faciat ex passione, & vindicta inordinata, certe non tenetur punire; quia juramentum non obligat ad faciendum malum, cum non sit vinculum iniquitatis: Si vero punitio sit justa, erit peccatum grave, si ea non ponatur, quando res est gravis, leve vero, quando res est leve, dummodo tamen causa punctionis, ac circumstantie, ut diximus, maneant invariatae; nam si punitio erat justa, quando cum juramento fuit promissa, & deinde posita commendatione, & penitentia delinquentis, aut intercessione facta ab amico, punitio non est requisita a culpa, certe mater ad illam non tenetur; quia juramentum, sicut & votum, habet semper tacitam illam conditionem, *Nisi causa varietur*: Demum foemina, quæ jurat se fracturam brachia puer, tenetur solum moderate illum castigare, quia illa locutio est hyperbolica.

VII. Quæritur tertio; Quodnam peccatum sit juramentum adhibere tanquam medium ad malum; Verbi gratia, si quis juret se habere animum fornicandi; vel si quis juret Petrum esse adulterum, adhibendo juramentum, ut Petrus occultus adulteri infametur?

Respondeo, peccatum hoc non esse propriæ, & stricte perjurium, quia supponitur jurari verum, sed est peccatum grave ex defectu iustitiae in juramento requisita, eo quod gravis irreverentia fit adducere Deum ad confirmandam iniquam actionem; Si vero materia est levis, peccatum esset veniale, & tale juramentum vocatur a Doctoribus

N. 2. Te-

Temerarium, quia temere prolatum. Qui vero ob jactantiam, & ut credatur, jurat se commisisse, verbi gratia, homicidium, neque perjurium committeret, neque juramentum temerarium, eo quod non assumeret juramentum tanquam medium ad confirmandam iniquam actionem, nec invocaret Deum ut testem peccati, sed solum ut testimoniū veritatis; quare solum committeret peccatum mortale jactantiae, nisi talēm hanc jactantiam ordinaret ad alios scandalizandos; sic enim juramentum esset temerarium. Ita Tambur. ex Pal., & Suar.

VIII. Quæritur ultimo; An sit peccatum inducere aliquem ad jurandum falsum, quod is credit esse verum; Verbi gratia, si quis putet te esse Romanum, cum sis Neapolitanus, potuisse illum inducere ad jurandum, quod tu sis Romanus?

Respondeo, id affirmare Hurt., & Dian. part. 5. tract. 7. resol. 14. cum Tambur. cap. 1. §. ult. post fuse discussam hanc quæstionem. Verum Lugo aperte negat, cum Suario, Azorio, Pontio apud eundem Dianam. Ratio est, quia sicut non possumus inducere infantem ad blasphemandum, ebrium ad fornicandum, nec servum ad laborandum die festo, quem ille putat esse feriatum; ita in calu nostro non possumus inducere ignarum ad pejerandum, seu ad jurandum, quod tantum materialiter falsum est.

ARTICULUS III.

De Materia Juramenti.

I. *Juramenti promissoriī materia debet esse res licita, possibilis, honesta, & non indifferens, nec impeditiva majoris boni.*

II. *Si iures in obsequium Dei te ducendum Uxorem, ad id non teneris; Secus vero si id iures in gratiam*

famine, quam vis ducere;
III. *Qui rem bonam, puta jejunium; jurat ob finem malum, ad illam non tenetur; Secus vero si illam jurat ob finem bonum, quamvis hic per peccatum asequendus sit.*

IV. *Secunda sponsalia jurata, etiam dissolutis prioribus sponsalibus, non obligant.*

V. *Promissio facta pro turpi facinore prando, num eo patrato obliget?*

VI. *Promissio prodiga num obliget ad totum? num ad partem, in qua non sit prodigalitas? Num simpliciter non obliget?*

VII. *Juramentum non obligat ad pondendum, quod lege etiam civili vetatur; obligat tamen ad id, quod legi civili non prohibetur, sed permittitur in favorem jurantis.*

VIII. *Juramentum de non acceptando Episcopatu, si fiat ex affectu humilitatis, validum est; secus vero si fiat ad declinandas curas Episcopales.*

I. **C**ertum est, materiam juramenti promissoriī debere esse rem licitam, possibilem, honestam, & non impeditivam majoris boni. Quare juramentum de re illicita est illicitum, & non obligatorium; Juramentum vero de re impossibili cognita ut tali est temerarium, & graviter peccaminosum; quia non stat cum animo exequendi, quod juratur. Juramentum de re indifferenti neque est obligatorium; Verbi gratia, de non fricando barbam, de non transleundo per talem viam, nullo adhibito fine honesto, vel de non ludendo in tali domo, vel cum tali persona, eo quod infelicitate luseris. Ratio est, quia Deus non obligat ad aliquid vanum, & otiosum; nisi tamen res indifferens fiat bona ex aliqua circumstantia, vel sic in favorem Tertii.

II. *Neque demum est obligatorium jura-*